



Tánisi maka kekwan píkwénitamiwokoyáni wéká ayáyáni kakwécikémona?

Kisáspin kititamachon óma néyáp káwí natawi atoskéyan éká é ati ispanik anima káki iténitaman, kika wítamawáw ana ká nákcátát ki masinahikana, anihi ká atoskawacik éko WCB ta kiskénitakik kékwána óma ká píkwénitamiwokoyan.

Tánisi kékí isi wícihiwét awa WCB?

- Ana WCB oci ká atoskátak ki masinahikana ta nákcátáw anima RTW ká itaman éko kika wícihih ta tipahámakawiyán kisáspin mwác kikaskitán tapé atoskéyan.
- Ana WCB oci ká atoskátak ki masinahikana kika wícihih tánisi óma kékí isicikátaman anima RTW ká itaman ta ispanik – kika wícihitinán.



Ká aspénimitótát ta wícwákaniimit, ta kécináhocik anoc ká kisikák éko táti minopaniki kékwána óté n íkánik.

Kísáspin kí wisakisinan nántaw isi kí tatoskéwinik kikaki nátamátinán.

Tánisi kékí isi miskawiyák

Workers Compensation Board of Manitoba
333 Broadway, Winnipeg, MB R3C 4W3

Kikak ípé isitisayén ká nókopaniki ki masinahikéwina
wcb@wcb.mb.ca

Kisáspin awasimé kékwán kinóté kiskénitén, óté itápi
www.wcb.mb.ca

Wéká óté kikak ípé isi ayamin
204-954-4321

Wéká éká kékwán ta tipahikéyan
1-855-954-4321

Ta ácimónániwak kisáspin kakayésimowin ispaniw wéká mwác itócikátéw kawisk kékwán

Pé isi ayami 204-888-8081
wéká éká kékwán ta tipahikéyan 1-844-888-8081
Ká nókopaniki ki masinahikéwina
Compliance@wcb.mb.ca

SAFE atoskéwin ká itakik kakinaw awiyak takí nípwawistak anima.

Éká nántaw ta isi picí wísakáspinatit awiyak otatoskéwinik kici kékwán anima kakinaw awiyak oci. Ta kiskénitaman awasimé kékwána óté itápi:

safemanitoba.com

Wéká óté kikak ípé isi ayamin
204-957-SAFE (7233) ótá Winnipeg
wéká 1-855-957-SAFE (7233) wanaw ítimáyik
Winnipeg oci



Néyáp péyatoské ta oci **MINO MACIHOYAN**



Kísáspin kí wisakisinan nántaw isi kí tatoskéwinik kikaki nátamátinán.



Néyáp natawi atoskéyani kika ati minomacihón

Néyáp káwí natawi atoskéyan ispík kákí wísakisinani, nóməkés kita nóciakátéw mwés néyáp ité itótéyan, ta wáwícihiawiyán nántaw isi awasimé ati akosiyáni. Ayíw nistom ta itocikátéw ta miskikátéwa anihí kékwána ké natawénitaman kítwám ta mino ayáyan ta minomacihoyan. Ékota oci ta isícikániwak tánisi éko tánispík kítwám kékípé atoskéyan (RTW). Néyáp nawac kítwám natawi atoskéyani ispík mino ayáyani éko minomacihoyani nawac wípac kika yatí maskawisín.

Wésám piko ana kitókimám ta wítam tánisi ta itótaman néyáp pé atoskéyani éko ta wítatoskéméw anihí ká nákcítát anihí ki masinahikana. Anikik omámawi wítatoskémítowak éko/wéká ana ká nákcíyát ká wísákisíninít ta mino ayánít ékota wísta takí apiw éko mina ana WCB ká atoskawát. Ta wanasickátéw ispík kí kinawápataki ana ká nákcítát ki masinahikana éko tánisi kékí itótaman ispík néyáp natawi atoskéyani. Anima RTW ká itakik apók ta itastéw ta atatoskéyan wéká éka wésa kinowés ta atoskéyan tato kísikáw.

Ayíw nistom ta itocikátéw ta miskikátéwa anihí kékwána ké natawénitaman kítwám ta mino ayáyan ta minomacihoyan.

Kaskicikéwina

Óma kékí itótaman néyáp natawi atoskéyani óma kika isi wícihikon:

- Wípac nawac táti maskawisíyan óma kákí wísakisinan
- Ta kinawénitaman kitatoskéwin
- Kika wícihikon wípac nawac ta minomacihoyan ta atoskéyan éka ta otaménitamihikoyan óté isi níkanik kékwániw

Tánisi kékí isi wícihiwéyan?

- Ékota aya ispík wanascikátéki anima RTW ká itakik éko tápwéta wésám piko ké ati itwániwak.
- Kakinaw maskikiwiniwak natawápamík ká itikawiyán éko itóta anihí kékwána ká itikawiyán wípac ta mino ayáyan.
- Nisitotamón ana ká atoskáták ki masinahikana tánisi mwéci étótaman anté kitatoskéwinik.
- Tápitaw natawápam ana ká nákcítát ki masinahikana W B oci éko kitókimám ta kiskénitakik étamacihoyan, éyako oci wícihikémakan tánisi kékí itótaman kitatoskéwin éko mina ta kiskénitak ana kitókimám tánisi kékí itatoskéyisk inikok ta kisi maskawisíyan.

Tánisi kékí isi wícihiwét kitókimám?

- Kitokimám takí wítatoskémis éko anihí ká nákcítát ki masinahikana inikok ta wanastáyék tánisi óma kékí itótaman ispík tawí atoskéyani inikok kékwána kékí kaskítayan ta itótaman.
- Kitokimám takí tápitaw kakitotis ta wá wícihis óma ta mino ayáyan néyáp ta natawi atoskéyan.

Ki matatoskéwin ká itocikátéki asotamákéwina

Kici wanasowéwin itastéw ókik okimáwak 25 wéká awasimé otatoskéwa ayáwéwak néyáp ta atoskéyacik anihí kákí wísakisíninít kisaspin awasimé péyák askíy ité kí atoskéwak mwés wísakisik. Kisaspin awasimé kékwána kinóté kiskénitén óma oci máti kítwám kékí atoskéwikawiyán óté itápi www.wcb.mb.ca ita ká nókoki masinahikana kiskénitamowina, wéká pé isi ayami 204-954-4321 wéká éká kékwán ta tipahikéyan 1-855-954-4321 ta natotamákéyak anima kiskinawátowi masinahikanaos, kítwámi matatoskéwin asotamakéwina (*Re-employment Obligations*) ká itakik.

Tánisi kékí isi wícihiwét ana ká nákcítát ki masinahikana Wawícihiwé?

- Ana ká nákcítát ki masinahikana takí wítak tánispík éténitak óma kítwám kékí matatoskéyan éko kékwána kékí itótaman.
- Ékwaniw óki askaw éko atit piko kékwána ya itótamani ta wícihikémakan tánispík kítwám kékí tápitawí atoskéyan.
- Ana ká nákcítát ki masinahikana ta wítamawéw anihí kitókimána kékwána éko tánisi kékí isi atoskéyan kisaspin iténitamani ta kiskénitakik ékwéniw.

